



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Figura xij. Samaritani Lucae x. xcix.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

omino expers peccati fuit. Et ut Hebraei contemplan-
 tium animum Serpentem seruabantur, non quidem per si-
 num hoc quod videbant, sed per omnium Saluatorem: Sap. 16.
 & nos qui fide uina credimus Christum pro nobis
 mortuum, nequaquam perituri sumus: sed uitam ha-
 bituri aeternam. Ideo Christus subiungit: Sic enim Deus
 dilexit mundum, ut filium suum unigenitum daret: ut
 omnis qui credit in eum, non pereat, sed habeat uitam
 aeternam. Singula uerba magnam vim habent: & im-
 mensam amoris significant uehementiam. Qui immor-
 talis & incomprehensibilis, quique potentissimus est: ex
 terra & cinere factos, & innumeris peccatis obnoxios,
 & male de se meritos & ingratos dilexit: adeo ut filium
 suum unigenitum daret. Non seruum, non angelum, non
 archangelum. Nemo unquam pro filio tantam pre se
 tollit charitatem, quantam pro seruis, & ingratis ser-
 uis Deus.

Chryf. hom.
 26. in Euan.
 Ioan.

FIGURA XII.

Christus uerus est ille Samaritanus Euan-
 gelicus. Luce 10.

Dixit Iesus ad Legisperitum: Homo quidam descen-
 debat ab Hierusalem in Hiericho, & incidit in
 latrones: qui etiam despoliauerunt eum, & pla-
 gis impositis abierunt seminiuo relicto. Accidit
 autem ut sacerdos quidam descenderet eadem uia:
 & uiso illo praeteriuit. Similiter autem & Lenita,
 cum esset secus locum, & uideret eum, pertransiit.
 Samaritanus autem quidam iter faciens, uenit
 secus eum: & uidens eum, misericordia motus
 est. Et approprias alligauit uulnera eius, infundens
 oleum & uinum: & imponens illam in iumen-
 tum suum, duxit in stabulum, & curam eius egit.

V 2

FIGURA

FIGURÆ EXPLICATIO.

CAPVT
XCIX.
Ioan. 8.

Pl. 114. 126.

PER SAMARITANVM D. N. IESVS CHRISTVS semet significauit. Et recte: tum, quod à Iudeis velut Samaritanus contemneretur, & probri causa ita appellaretur: tum quod id nomen, si significatum spectes, probe in ipsum quadret. Significat enim CUSTODEM. Samaritanus ergo est: nempe is, de quo in Psalmis dicitur: Custodiens paruulos Dominus. Et: Nisi Dominus custodierit ciuitatem: frustra vigilat qui custodit eam. Caterum per hominem, qui descendit ab Hierusalem in Hiericho, intelligitur uniuersum genus humanum: quod in primis parentibus nostris à paradiso, in quo fruebantur illi sublimi illa, tranquilla, & pacifica vita, excidit in uallem hanc lachrymarum: ubi omnia mutationibus sunt obnoxia. HIERICHO quippe luna interpretatur: mundi figuram continet. Qui cum descendisset, incidit in latrones: quia mercedum demonum venit potestatem, qui illum & exurrunt & spoliauerunt veste innocentia & immortalitatis, ac omnis denique Gratia spiritualis: & iam exitum etiam plagis multis affecerunt, reddentes illum obnoxium peccatis, ignorantia veri, & imbecillitati recte operandi: ita ut iam iaceret abiectus, destitutus, at desperationi mortisq; proximus: nec tamen mortuus plane, sed semiuuus: quod spes esset vita & sanitatis in Christo. Sic autem vulneratam iacentem Naturam humanam Sacerdos & Leuita, hoc est, Lex & Prophetia pertransierunt: quippe qui peccatum hominis & miseriam indicabant, sed tollere, hominemq; sanare nequebant. At SAMARITANVS CHRISTVS IESVS per assumptam humanitatem etiam iter faciens Hierusalem cœlesti in Hiericho uallem huius mundi cum pe-

post legem & prophetas videret humana Nature
 curam: et em, non eam prateriuit, aut neglexit: sed fa-
 cta compassionis nostra susceptione finitimus, quam-
 nam ab hominibus probris multis affectus, misericor-
 dia motus, non nostris meritis commotus: propius etiam
 nos accedens per suam nobiscum conuersationem, mox
 cepit obligare vulnera nostra vinculo doctrinae & gra-
 tiae suae, infundens oleum & vinum, quae solus ille secum
 in via assumpsit, ac nobis infundere potuit: nimirum gra-
 tia & charismatibus Spiritus sancti, & sui sanguinis
 effusione nos curans. Vnde ipse in Esaia dicit: Spiritus
 Domini super me, eo quod unxerit Dominus me. Ad Esa. 61.
 annunciamandum mansuetis misit me: ut mederer contri-
 tis corde. Non satis autem illi fuit hoc modo obligasse ho-
 minis vulnera: sed praeterea etiam illum imposuit in in-
 iumentum suum. Audi quomodo te imponat. Peccata no-
 stra portat, & pro nobis dolet: & Pastor posuit ouem
 lassam super humeros suos, ut Lucae xv. dicitur. Bene
 ergo in iumentum suum nos imponit, peccata nostra susci-
 piens in corpore suo, ac de suo dependens, quod nos com-
 merueramus: ut per nostri corporis assumptionem, in-
 iumentum carnis nostrae aboleret. Deinde hominem de-
 dit in diuersorium suum: hoc est, Ecclesiam. Hic,
 quoniam corporali praesentia per sese hominis curam ge-
 nere non semper licuit: quod proficiscendum ei esset in
 caelum unde venerat, hospitibus suis saucium hominem
 curandum commisit. Hi sunt Apostoli, & eorum
 successores: per quos etiam hodie curat humanum
 genus.